





玉函山房輯佚書

11  
1236  
11

十一







1236  
11





玉函山房輯佚書目

卷十

經編尚書類

尚書歐陽章句一卷

漢歐陽和伯

尚書大夏侯章句一卷

漢夏侯勝

尚書小夏侯章句一卷

漢夏侯建

尚書古文訓一卷

漢賈逵

缺

尚書馬氏傳四卷

漢馬融



尚書歐陽章句一卷漢歐陽生撰生字和伯千乘人  
 事伏生授兒寬寬授歐陽生子至曾孫高子陽為博  
 士高孫地餘長真以太子中庶子授太子後為博士  
 論石渠地餘少子政為王莽講學大夫由是尚書世  
 有歐陽氏之學漢書儒林有傳漢藝文志經二十九  
 篇注大小夏侯二家歐陽經三十二卷歐陽章句三  
 十一卷歐陽說義二篇隋唐志皆不著目佚已久今  
 從諸書所引輯錄又攷儒林傳林尊字長賓濟南人  
 事歐陽高為博士至太子太傅授平陵平當陳翁生



由是歐陽有平陳之學又後漢書揚震傳震孫賜通  
 尚書桓君章句桓君名郁治歐陽尚書者也茲取平  
 當楊賜引書語亦並輯入其他引三家及今文家說  
 不能區別各輯錄之鄭康成書贊譏歐陽氏失其本  
 義鄭師祖孔氏古文學故有此論然當古文未顯之  
 時抱守殘編此為功首兩漢歐陽之學視夏侯為盛  
 似不皆疾其蔽冒猶復疑惑未悛者學非康成固未  
 可輕議之也歷城馬國翰竹吾甫

尚書歐陽章句

漢 歐陽生 撰

虞夏書

尚書大傳首  
題虞夏傳

堯典

克明俊德以親九族

昔者帝堯南面而治克明俊德以親九族而化及

萬國

漢書平當傳案儒林傳平當  
傳歐陽之學據輯後倣此

九族乃異姓有屬者父族四五屬之內為一族父

女昆弟適人者與其子為一族亡女昆弟適人者



與其子為一族亡之女子子適人者與其子為一

族母族三母之父姓為一族母之母姓為一族母

女昆弟適人者為一族妻族二妻之父姓為一族

妻之母姓為一族春秋左傳桓六年孔穎達正義引異義今戴禮尚書歐陽說

又書正義引夏侯歐陽說云九族者父族四母族三妻族二皆據異姓有服

欽若昊天

春日昊天夏日蒼天秋日旻天冬日上天總為皇

天周禮春官大宗伯賈公彥疏詩王風黍離正義引上四句

遂類于上帝周禮秋官大行人鄭元注史記五帝本紀封禪書漢書王莽傳引書並作遂

類祭天名也以事類祭之奈何天位在南方就南

郊祭之是也太平御覽卷五百二十七引五經異義今尚書歐陽說詩周頌桓正義

引無上句禮記王制正義引夏侯歐陽說類祭天者以事類祭之詩大雅皇矣正義引夏侯歐

陽說以事類祭之在南方就南郊祭之

湮于六宗尚書大傳作湮

六宗者上不及天下不及地傍不及四時居中央

恍惚無有神助陰陽變化有益於人故郊祭之禮

春官大宗伯疏引異義今尚書歐陽夏侯說禮記祭法正義亦引異義今尚書歐陽夏侯說作上及

天下及地旁及四方中央恍惚助陰陽變化有益於人也又漢書郊祀志引歐陽大小夏侯三家說

尚書次易章句

二 鄉嬛館補校



六宗皆曰上不及天下不及墜旁不及四方在六者之間助陰陽變化章懷太子注引歐陽和伯夏侯建曰六宗上不謂天下不謂地傍不謂四方在六者之間助陰陽變化者

伯禹作司空

天子三公一曰司空二曰司馬三曰司徒九卿二

十七大夫八十一元士凡百二十在天為星辰在

地為山川虞世南北堂書鈔卷五十引五經異義今尚書夏侯歐陽說末句作在天為山

川孫氏星衍尚書今古文注疏曰當是在天為星辰在地為山川脫文據補

咎繇漢書五行志師古注引作咎繇

天命有德五服五章哉

乘輿備文日月星辰十二章後漢書輿服志孝明皇帝永平二年初詔

有司采周官禮記尚書篇乘輿服從歐陽氏說據漢志補

弼成五服至于五千

中國方五千里禮記王制正義引異義今尚書歐陽夏侯說

商書

微子

我舊云孩子王子不出

紂為孩子之時微子睹其不善之性性惡不出眾

尚書歌湯章句

三 鄭媛館補校



長 大為亂不變故云也 王充論衡本性篇引微子並說義段氏玉裁尚

書 異曰按此本文尚書刻作孩其說如此也

周書

泰誓

正稽古 建功立事可以永年傳於亡窮 漢書平當傳引書師古曰

今文泰誓之辭

牧誓

如虎如 熊如 豺如 虺如 史記周本紀引作如虎如熊如豺如離徐廣注離與虺同依交

選注引歐陽說作虺

虺 猛獸也 文選班孟堅西都賦注引歐陽尚書說

鴻範 尚書大傳史記宋世家並作鴻

一曰水 二曰火 三曰木 四曰金 五曰土

肝木也 心火也 脾土也 肺金也 腎水也 禮記月令正義引異

義今尚書歐陽說

金縢

秋大熟 未獲天大雷電以風禾盡偃大木斯拔邦人

大恐

成王狐疑於周公欲以天子禮葬公公人臣也欲

尚書欽定章句

四 鄭媛館補校



以人臣禮葬公公有王功狐疑於葬周公之間天

大雷雨動怒示變以彰聖功論衡感類篇引書及儒者之說

王出郊天止雨反風禾則盡起論衡作天止雨

開匱得書覺悟泣過決以天子禮葬公出郊觀變

天止雨反風禾盡起同上段氏曰皆今文家說

酒誥

成王若曰

王年長骨節成立正義引三家

梓材

疆人有王開賢厥率化民

此言賢人亦壯疆於禮義故能開賢其率化民化

民須禮義禮義須文章行有餘力則以學文能學

文有力之驗也論衡効力篇引梓材及此解孫氏

星衍曰此今文說以戕為疆以宥

君奭

在昔上帝厥亂勸寧主之德禮記緇衣君奭曰在昔上帝周曰觀文王之德

鄭元注引今博士讀

帝清問下民

尚書歌揚章句

五 嬭嬭館補校



謂帝為天趙岐孟子注孫氏星衍曰此今文歐陽夏侯異說也

三后成功惟殷于中

皐陶不與焉蓋吝之也後漢書楊震傳震孫賜引書案賜通尚書桓君章

句即歐陽尚書也

天齊乎人假我一日

夫善不妄來災不空發王者心有所惟意有所想雖未形顏色而五星以之推移陰陽為其變化以此而觀天之與人豈不符哉尚書曰天齊乎人假我一日是其明徵也同上楊賜上封事引書

黥辟疑赦其罰百率史記周本紀墨作黥鉞作率



尚書大夏侯章句一卷漢夏侯勝撰勝字長公東平人官至諫大夫事蹟詳漢書本傳又儒林傳云其先夏侯都尉從濟南張生受尚書以傳族子始昌始昌傳勝勝又事同郡菑鄉菑卿兒寬門人勝傳從兄子建由是尚書有大小夏侯之學漢藝文志經二十九卷大小夏侯二家大小夏侯章句各二十九卷大小夏侯解故二十九篇今並佚袁輯爲卷攷儒林傳周堪孔霸俱事大夏侯堪授牟卿及長安許商長伯霸傳子光由是大夏侯有孔許之學又五行志載夏侯



始昌通五經善推五行傳以傳族子夏侯勝下及許  
商皆以教所賢弟子其傳與劉向同則子政與大夏  
侯亦一家之學茲併取孔光劉向所引書義輯入其  
說多與古文殊異固不止岵鏹柳穀已也歷城馬國  
翰竹吾甫

尚書大夏侯章句卷之九  
漢夏侯勝撰

尚書大夏侯章句

漢 夏侯勝 撰

虞夏書 尚書大傳首  
題虞夏傳

堯典

克明俊德以親九族

九族者父族四母族三妻族二皆據異姓有服孔穎

達正義引夏  
侯歐陽說

敬授民時

古者有主四時者主春者張昏而中可以種穀上



告於天子下布之民主夏者大火昏而中可以種

黍菽上告於天子下布之民主秋者虛昏而中可

以種麥上告於天子下布之民主冬者昴昏而中

可以斬伐田獵蓋藏上告於天子下告之民故天

子南面視四星之中知民之緩急急則不賦籍不

舉力役書曰敬授民時劉向說苑辨物篇案漢書五行志夏侯始昌以五行志傳夏侯勝其傳與劉向同則向與大夏侯為一家之學據輯後併放此

宅岫鐵正義引夏侯等書

度西曰柳穀正義引夏侯等書宅岫夷為宅岫鐵味

谷曰柳谷案周禮天官縫人鄭元注作

度西曰柳谷賈公彥疏云是濟南伏生書知夏侯谷亦作穀

在璿璣玉衡以齊七政

璿璣謂北辰勾陳樞星也以其魁杓之所指二十

八宿為吉凶禍福天文列舍盈縮之古各以類為

驗說苑辨物篇

遂類于上帝周禮秋官大行人注史記五帝本紀封禪書漢書王莽傳引並作遂

類祭天者以事類祭之在南方就南郊祭之禮記王制

正義詩大雅皇矣正義並引夏侯歐陽說一引上句一引以事類已下

湮于六宗尚書大傳作湮

尚書大傳作湮  
二 鄭媛館補校



六宗上不及天下不及墜旁不及四方在六者之

間助陰陽變化實一而名六漢書郊祀志引歐陽

周禮春官大宗伯賈公彥疏引異義今尚書歐陽

夏侯說六宗者上不及天下不及地旁不及四時

居中央恍惚無有神助陰陽變化有益於人故郊

祭之又禮記祭法正義亦引異義今尚書歐陽夏

侯說作上及天下及地旁及四方中

央恍惚助陰陽變化有益於人也

望秩于山川徧于羣神說苑辨物

咨十有二牧日食哉惟詩柔遠能邇

牧者所以辟四門明四目達四聰也是以近者親

之遠者安之說苑君道篇

伯禹作司空

天子三公一曰司徒二曰司馬三曰司空九卿二

十七大夫八十一元士凡百二十在天為星辰在

地為山川虞世南北堂書鈔卷五引五經異義

川孫氏星衍尚書今古文注疏曰當是

在天為星辰在地為山川脫文據補

咎繇漢書師古注引阜

知人則愷漢書五行

愷智也能知其材則能官之所以為智也漢書五行志

案班固作五行志因於夏

侯勝所傳鴻範五行傳

尚書大夏卷第十一

三 嬭嬛館補校



天命有德五服五章哉

三公諸侯用山龍九章九卿以下用華蟲七章皆

備五采後漢書輿服志孝明皇帝永平二年初詔有司采周官禮記尚書皐陶篇乘輿服從

歐陽氏說公卿以下從大

母若丹朱放

帝舜戒伯禹漢書劉向傳上奏

弼成五服至于五千

中國方五千里禮記王制正義引吳義今尚書歐陽夏侯說

象刑旁施惟明劉向新序節士篇引書

鳥獸鶴鶴簫韶九成鳳皇來儀

君子辟神也觀彼威儀遊燕幽閒有似鳳也書曰

鳥獸鶴鶴鳳皇來儀此之謂也說苑辨物篇

舜命九官濟濟相讓和之至也衆賢和於朝則萬

物和於野故簫韶九成鳳皇來儀擊石拊石百獸

率舞漢書劉向傳

商書

般庚

般庚般之及王漢書孔光傳案漢儒林傳孔霸子光事牟卿至丞相大夏侯有孔

四 鄭 媛 館 補 校



許之學據此則孔光引書皆大夏侯之佚說後倣此

優賢揚歷

正義引夏侯等書心腹腎腸作憂賢揚歷案文選左太冲魏都賦優賢答於揚歷張

載注尚書般庚曰優賢揚歷歷試也魏志管寧傳優賢揚歷垂聲干載裴松之注今文尚書優賢揚歷謂揚其所歷試皆並舊說引之段氏玉裁尚書撰異據此以訂正義曰憂優之誤腎賢之誤陽揚之誤

歷試也

魏都賦張載注

謂揚其所歷試

魏志管寧傳裴松之注

高宗彤曰

天既付命正厥德

言止德以順天也

漢書孔光傳引書及此解

微子

我嘗云孩子王子不出

紂為孩子之時微子睹其不善之性性惡不出眾

庶長大為亂不變故云也

王充論衡本性篇段氏玉裁曰按今文尚書

刻作孩其說如此也

周書

秦誓

附下而罔上者死附上而罔下者刑與聞國政而無益於民者退在上位而不能進賢者逐

說苑臣術篇引秦誓洪邁

尚書大義卷五

五 鄭康成補校



容齋續筆卷一

此所以勸善而黜惡也說苑臣術篇

鴻範尚書大傳史記宋世家並作鴻

羞用五事漢書孔光傳引書

建用皇極同上

羞用五事建用皇極如貌言視聽思失大中之道

不立則咎徵薦臻六極屢降皇之不極是謂大中

不立漢書孔光傳

不偏不黨王道蕩蕩說苑至公篇引書

言至公也說苑至公篇

咎徵

臣之有作威作福害于而家凶于而國漢書劉向傳引書

天右與王者故災異數見以譴告之欲其改更若

不畏懼有以塞除而輕忽簡誣則凶罰加焉其至

可必漢書孔光傳引師說

大誥尚書大傳大誥在金縢前

天棊謹辭

言誠道天輔之也漢書孔光傳引書及此解

尚書大傳



金滕

秋大熟未穫天大雷電以風禾則盡偃大木斯拔邦人大恐

成王狐疑於周公欲以天子禮葬公公人臣也欲

以人臣禮葬公公有王功狐疑於葬周公之間天

大雷雨動怒示變以彰聖功論衡感類篇引書及儒者之說

王出郊天止雨反風禾則盡起論衡作天止雨

開匱得書覺悟泣過決以天子禮葬公出郊觀變

天止雨反風禾盡起同上段氏曰皆今文家說

康誥

惟文王之敬忌

孔子曰大哉文王之道敬慎恭己而虞芮自平故

書曰文王之敬忌說苑君道篇

酒誥

成王若曰

王年長骨節成立正義引三家

梓材

彊人有王開賢厥率化民



此言賢人亦壯彊於禮義故能開賢其率化民化

民須禮義禮義須文章行有餘力則以學文能學

文有力之驗也論衡効力篇引梓材及此解孫氏星衍曰此文說以收為彊以宥

為宥者

君爽

在昔上帝厥亂勸寧王之德禮記緇衣君爽曰在昔上帝周田觀文王之德

鄭元注引今博士讀

顧命

畢協賞罰

誅賞者所以別賢不肖也故誅賞不可以繆誅賞

繆則善惡亂矣書曰畢協賞罰說苑政理篇

甫刑

臏宮劓割頭庶刺正義引夏侯等書劓則劓刺作臏宮云云

帝清問下民

謂帝為天趙岐孟子注孫氏星衍曰此今文歐陽夏侯異說也

黥辟疑赦其罰百率史記周本紀墨作黥鍍作率

古以六兩為率周禮天官職金疏引歐陽夏侯說

秦誓

尚書大夏侯章句

八 鄭煥館補校



雖則云然尚猷詢茲黃髮則罔所愆

秦穆公敗其師曰黃髮之言則無所愆美用老人

之言以安國也新序雜事五

惟譏譏善諍言俾君子易忘而況乎我多有之春秋公羊

文十二年傳又劉向九歎讒人譏譏王逸注引尚書譏譏諍言史記二王世家齊王策俾君子忘用秦誓語與公羊合

段氏曰今文也

尚書小夏侯章句一卷漢夏侯建撰建字長卿勝從

父子師事勝及歐陽高官至太子少傅事蹟見漢書

夏侯勝傳及儒林傳勝傳謂建從五經諸儒問與尚

書相出入者牽引以次章句具文飾說勝非之曰建

所謂章句小儒破碎大道建亦非勝為學疎略難以

應敵建卒自顯門各經此夏侯一家授受而各分門

戶也漢藝文志經二十九卷大小夏侯二家大小夏

侯章句各二十九卷大小夏侯解故二十九篇今與

大夏侯書並佚輯錄一帙引者率與歐陽同稱其稱

尚書小夏侯章句

序

一 娜嬛館補校



夏侯者又不顯標大小惟據所引分繫三家書內攷  
 儒林傳張山拊字長賓平陵人事小夏侯建授同縣  
 李尋鄭寬中少君山陽張無故子儒信都秦恭延君  
 陳留假倉子驕由是小夏侯有鄭張秦假李氏之學  
 今諸家惟李尋有傳所述經義皆小夏侯之佚說並  
 取編緝雖非原文而確有師授其與大夏侯殊旨者  
 見一班已歷城馬國翰竹吾甫

尚書小夏侯章句

漢 夏侯建 撰

虞夏書

尚書大傳首題虞夏傳

堯典

克明俊德以親九族

九族者父族四母族三妻族二皆據吳姓有服

達正義引夏侯歐陽說

宅嵎鐵

正義引夏侯等書

度西曰柳穀

正義引夏侯等書宅嵎夷為宅嵎鐵味谷曰柳谷案周禮天官縫人鄭元注作

尚書小夏侯章句

一 如嬛館補校



度西曰柳穀賈公彥疏云是濟南伏生書知夏侯谷亦作穀矣

遂類于上帝

周禮秋官大行人注史記五帝本紀封禪書漢書王莽傳引並作遂

類祭天者以事類祭之在南方就南郊祭之

禮記王制

正義詩大雅皇矣正義並引夏侯歐陽說一引上句一引以事已下

湮于六宗

尚書大傳作湮

六宗上不謂天下不謂地傍不謂四方在六者之

間助陰陽變化也

後漢書祭祀志章懷太子注引歐陽和伯夏侯建又漢書郊祀

志引歐陽大小夏侯三家說謂皆作及地作墜變化下有實一稱各六句又周禮春官大宗伯賈公彥疏引異義今尚書歐陽夏侯說六宗者上不及天下不及地傍不及四時居中央恍惚無有神助

陰陽變化有益於人故郊祭之又禮記祭法正義亦引異義今尚書歐陽夏侯說作上及天下及地傍及四方中央恍惚助陰陽變化有益於人也

伯禹作司空

天子三公一曰司徒二曰司馬三曰司空九卿二

十七大夫八十一元士凡百二十在天為星辰在

地為山川

虞世南北堂書鈔卷五十引五經異義今尚書夏侯歐陽說未句作在天為山

山孫氏星行尚書今古文注疏曰當是在天為星辰在地為山川脫文據補

咎繇謬

漢書五行志繇古注引作咎繇謬

天命有德五服五章哉



三公諸侯用山龍九章九卿以下用華蟲七章皆

備五采後漢書輿服志孝明皇帝永平二年詔

歐陽氏說公卿以下從大

天聰明

蓋言紫宮極樞通位帝紀太微四門廣開大道五

經五緯尊術顯士翼張舒布燭臨四海少微處士

為比為輔故帝廷女宮在後聖人承天賢賢易色

取法於此天官上相上將皆顯面正朝憂責甚重

要在得人得人之效成敗之機不可不勉也漢書李尋

傳 按尋治 尚書師張山拊傳 小夏侯氏之學據輯後倣此

彌成五服至于五千

禮記王制正義引異義 今尚書歐陽夏侯說

商書

般庚

優賢揚歷

正義引夏侯等書心腹腎腸作憂賢揚 案文選左太冲魏都賦優賢著於揚歷張

載注尚書般庚曰優賢揚歷試也魏志管寧傳 優賢揚歷垂聲千載裴松之注今尚書曰優賢

揚歷謂揚其所歷試皆並舊說引之段氏玉裁 據此訂正義曰憂優之誤腎賢之誤陽揚之誤

歷試也 魏都賦注謂揚其所歷試 魏志管寧傳 裴松之注

尚書小夏侯書

三 娜嬛館補校



微子

我舊云孩子王子不出

紂為孩子之時微子睹其不善之性性惡不出眾

庶長大為亂不變故云也王充論衡本性篇段氏玉裁曰按此今文尚書

刻作孩其說如此也

周書

鴻範

尚書大傳史記宋世家並作鴻

水曰澗下

五行以水為本其星立武癸女天地所紀終始所

生水為準平王道公正脩明則百川理落脈通偏

黨失綱則漏溢為敗書云水曰澗下陰動而卑不

失其道天下有道則河出圖洛出書漢書李尋傳

金滕

秋大熟未穫天大雷電以風禾盡偃大木斯拔邦人

大恐

成王狐疑於周公欲以天子禮葬公公人臣也復

以人臣禮葬公公有王功狐疑於葬周公之間天

大雷雨動怒示變以彰聖功論衡感類篇引書及儒者之說

尚書小夏卷章句

四娜嬛館補校



王出郊天止雨反風禾則盡起

論衡作天止雨

開匱得書覺悟泣過決以天子禮葬公出郊觀變

天止雨反風禾盡起

同上投氏曰皆今文家說

酒誥

成王若曰

王年長骨節成立

正義引三家

梓材

彊人有王開賢厥率化民

此言賢人亦壯彊於禮義故能開賢其率化民化

民須禮義禮義須文章行有餘力則以學文能學

文有力之驗也

論衡効力篇星衍曰此今

文說以戕為彊以宥

為有者

洛誥

佅來以圖

漢書劉向傳引書

君奭

在昔上帝厥亂勸寧王之德

禮

記緇衣君奭曰在昔上帝周田觀文王之德

鄭元注引今博士讀

甫刑

尚書小夏侯章句



臚宮剝割頭庶刺正義引夏侯等書

帝清問下民

謂帝為天

趙岐孟子注孫氏星術曰此今文歐陽夏侯異說也

黥辟疑赦其罰百率

史記周本紀墨作黥鑊作率

古以六兩為率

周禮天官職金疏引歐陽夏侯說

秦誓

惟譏譏善埒言俾君子易忘而況乎我多有之

春秋公羊

文十二年傳段氏曰今文也

昔秦穆公說譏譏之言任佗佗之勇

漢書李士序傳

尚書馬氏傳四卷後漢馬融撰融有周易傳已著錄

後漢書儒林傳云扶風杜林傳古文尚書同郡賈逵

為之作訓馬融作傳隋志尚書十一卷馬融注唐志

馬融傳十卷今佚茲從釋文正義史記集解等採輯

分為三卷正義謂馬鄭之徒百篇之序為一篇隋志

較唐志多一卷者即書序也更別輯錄合為四卷夫

季長治古文學而所注止今文二十九篇序謂太誓

後得頗以神怪為疑然觀注中佚說亦止是今文太

誓其本多異字蓋典校秘府時能見古文真本間有

尚書序

一 鄉嬛館補校



參三家今文而用之者以視偽孔傳判霄壤矣且康成之學淵源於馬氏參攷鄭義多與之同宜乎雅才好博與衛賈並見稱許也歷城馬國翰竹吾甫

尚書傳序

後漢 馬融 撰

上古有虞氏之書故曰尚書

孔安國書序 孔穎達正義

經傳所引太誓太誓並無此文

堯典正義 章如愚山堂考索續集卷四

太誓後得案其文似若淺露八百諸侯不名自來不期同時不謀同辭及火復於上至于王屋流為鵬至五以穀俱來舉火神怪得無在子所不語中乎又春秋引太誓曰民之所欲天必從之國語引太誓曰朕夢協朕卜襲子休祥戎商必克孟子引太誓曰我武



惟揚侵于之疆取彼凶殘我伐用張于湯有光孫卿引太誓曰獨夫受禮記引太誓曰予克受非予武惟朕文考無罪受克予非朕文考有罪惟予小子無良今文太誓皆無此語吾見書傳多矣所引太誓而不在太誓者甚多弗復悉記略舉五事以明之亦可知矣

孔序正義 太誓正義 春秋襄三十一年正義 引無入百至中平 林之奇尚書全解卷二十二 蔡沈書集傳卷四 鄭樵六經奧經卷二 章如愚山堂考索續集卷五 王應麟玉海卷三十 七

逸十六篇絕無師說 堯典正義 山堂考索續集卷四

尚書馬氏傳卷一

後漢 馬融 撰

虞夏書 正義云馬融鄭康成王肅與劉向別錄皆曰虞夏書

有虞氏爲書之初耳 正義

堯典

曰若稽古帝堯曰放勳

順考古道 魏志高貴鄉公紀引賈馬 放勳堯名 陸德明釋文

欽明文思

威儀表備謂之欽照臨四方謂之明經緯天地謂



之文道德純備謂之思釋文

以親九族

上自高祖下至元孫凡九族釋文引馬鄭

乃命羲和

羲氏掌天官和氏掌地官四子掌四時釋文王應麟小學

紺珠卷五此命羲和者命為天地之官下云分命申命

為四時之職天地之與四時於周則冢宰司徒之

屬六卿是也正義引馬鄭

宅嵎夷曰暘谷

嵎海隅也夷萊夷也暘谷海隅夷之地名釋文毛居正

六經正誤卷二

寅賓出日平秩東作釋文平馬本作革

賓從也革普庚反使也釋文

日中星鳥以殷仲春

古制刻漏晝夜百刻日中宵中則晝夜各五十刻

正義陳大猷書集傳或問卷上王天與尚書纂傳卷一詩齊風東方未明正義玉海卷十

一六經天文編卷上

日永星火以正仲夏



日長則晝漏六十刻夜漏四十刻正義尚書集傳或問卷上

尚書纂傳卷一 詩東方未明正義 史記五帝本紀裴駰集解 王海卷十一 六經天文編卷上

夤淺納日

釋文饒為作淺 集韻引書作夤淺云馬融讀

淺在演切滅也丁度集韻上聲二滅猶沒也 釋文

華在朔易日短星昴以正仲冬釋文

日短則晝漏四十刻夜漏六十刻正義尚書集傳或問卷上

尚書纂傳卷一 詩東方未明正義 星鳥星火謂王海卷十一 六經天文編卷上

正在南方春分之昏七星中仲夏之昏心星中

分之昏虛星中冬至之昏昴星中皆舉正中之星

不為一方盡見舉仲月以統一時正義馬鄭

厥民隩鳥獸氄毛

隩煖也氄溫柔貌釋文尚書全解卷一

帝曰疇咨若時登庸

義和為卿官堯之末年皆以老死庶績多闕故求

賢順四時之職欲用以代義和正義

胤子朱啓明

胤嗣也釋文帝之胤子曰朱也正義



帝曰吁嚚庸可乎釋文訟馬本作庸

帝曰疇咨若予采

采官也釋文

共工方鳩僝功

僝具也同上

僉曰於鯀哉

鯀臣名禹父也釋文史記五帝本紀集解

方命圮族

方如字放也釋文

岳曰异哉試可乃已帝曰往欽哉九載績用弗成

堯以大聖知時運當然人力所不能治下民其咨

亦當憂勞屈己之是從人之非遂用于鯀正義

朕在位七十載汝能庸命異朕位

朕我也異讓也釋文

曰虞舜

舜諡也舜死後賢臣錄之臣子為諱故變名言諡

釋文

釐降二女于媯汭



水所入曰泗媯泗媯水之曲

酈道元水經注卷四  
太平御覽卷六十

四羅華注又餘論卷七

嶺嶽五典

嶽美也

釋文

賓于四門四門穆穆

四門四方之門諸侯羣臣朝者舜賓迎之皆有美

德也

史記五帝本紀集解

納于大麓

麓山足也

釋文引馬鄭

乃言底可績

底定也

釋文

正月上日

上日朔日也

史記五帝本紀集解

受終于文祖

文祖天也天為文萬物之祖故曰文祖

釋文

在璿機玉衡以齊七政

璿美玉也機渾天儀可轉旋故曰機衡其中璜筭

所以觀星宿也以璿為機以玉為衡蓋貴天象也



史記天官書司馬貞索隱正義引渾天以下篇作  
簫文選李蕭遠運命論李善注引渾天儀可轉  
旋句玉海卷四  
引作璇機為渾儀

第一曰土曰法天第二曰主月法地第三曰命火  
謂熒惑也第四曰煞土謂填星也第五曰伐水謂

辰星也第六曰危木謂歲星也第七曰罰一作金

謂太白也日月五星各異故名曰七政也史記天官書索

隱玉海卷二引作北斗七星各有所主一日主

日法天二曰主月法地三曰火熒惑四曰土填五

日月五星各異政也日月星皆以璿機  
玉衡度知其盈縮進退失政所在聖人謙讓猶不

自安視璿機玉衡以驗齊日月五星行度知其政

是與否重審己之事也正義

肆類于上帝

上帝太一神在紫微宮天之最尊者釋文

禮于六宗

禮精意以享也六宗天地四時也萬物非天不覆

非地不載非春不生非夏不長非秋不收非冬不

藏此其謂六宗也正義釋文尚書全解卷二

書祭祀志劉昭注杜佑通典卷四十四王應麟小學紺珠卷九玉海卷一百二羣書攷索

尚書馬氏傳卷一 六 媿娘館補校



馬端臨文獻通考 卷八十一 路史餘論卷五

揖五瑞既月乃日觀四岳羣牧班瑞于羣后釋文馬作指

揖斂也釋文五瑞公侯伯子男所執以為瑞信也堯

將禪舜使羣牧斂之使舜親往班之史記五帝本紀集解

一月東巡守至于岱宗柴

舜受終後五年之二月史記五帝本紀集解柴祭時積柴加

牲其上而燔之釋文

同律度量衡

律法也釋文 玉海卷六

修五禮五玉三帛二生一死贄如五器

五禮吉凶軍賓嘉也三帛三孤所執也贄二生羔

雁卿大夫所執一死雉士所執五器上五玉史記五帝

本紀集解

卒乃復

五玉禮終則還之三帛以下不還也同上

至于北岳如初釋文如西禮馬本作如初

歸格于藝祖用特

藝禰也釋文



五載一巡守羣后四朝

四面朝于方岳之下同

肇十有二州

禹平水土置九州舜以冀州之北廣大分置并州

燕齊遼遠分燕置幽州分齊為營州於是為十二

州也在九州之後也史記五帝本紀集解通典

尚書全解卷二玉海卷十四並引至為營州王

海卷十七有子是為十二州句王應麟通鑑地

象以典刑流宥五刑鞭作官刑扑作教刑

言咎繇制五常之刑無犯之者但有其象無其人

也流放宥寬也史託五帝本紀集解三宥也釋文一曰幼少二

曰老耄三曰蠢愚五刑墨劓剕宮大辟官司為辦

治官事者為刑史記五帝本紀集解立秋乃施鞭扑虞世南

鈔卷四十五

金作贖刑

金黃金也意善功惡使出金贖罪坐不戒慎者史記

五帝本紀集解

流共工于幽陵放驩兜于崇山今注疏本作幽洲

依史記引作幽陵

八姆嬛館補校



幽陵北裔也崇山南裔也 史記五帝本紀集解 王幼學綱目集覽

竄三苗于三危殛鯀于羽山

三苗國名也 釋文 緡雲氏之後為諸侯蓋饗發也三

危西裔也殛誅也羽山東裔也 同上

有能奮庸熙帝之載

奮明庸功也 史記五帝本紀集解

惟時懋哉

懋美也 釋文

黎民祖飢

祖始也 毛詩釋文

敬敷五教

五品之教 史記五帝本紀集解

汝作士五刑有服五服三就

士獄官之長三就謂大罪陳諸原野次罪于市朝

同族適甸師氏既伏五刑當就三處

五流有宅五宅三居惟明克允

謂在八議君不忍刑宥之以遠五等之差亦有三

等之居大罪投四裔次九州之外次中國之外當



明其罪能使信服之

帝曰疇若予工

謂主百工之官也並同上

汝共工

為司空共理百工之事同上尚書全解卷三

帝曰疇若予上下草木鳥獸禹曰益哉釋文僉鄭馬王本皆作禹

上謂原下謂隰史記五帝本紀集解

汝作朕虞

虞掌山澤之官名同上

有能典朕三禮

三禮天神地祇人鬼之禮也史記五帝本紀集解虞世南北堂書鈔

卷八十 太平御覽卷五百二十二

教胄子

胄長也教天下之子弟釋文

直而溫見而柔

正直而色溫和寬大而謹敬戰栗也史記五帝本紀集解

朕聖讒說殄行

殄絕也絕君子之行吳志吳主傳裴松之注



汝二十有二人

稷契臯陶皆居官久有成功但述而美之無所復

救禹及垂已下皆初命六人十二牧四岳凡二十

二人史記五帝本紀集解

臯陶謨

何憂乎驩兜何遷乎有苗何畏乎巧言令色孔壬

禹為父隱故不言鯀也正義史記集解引鄭元注同

日宣三德夙夜浚明有家

浚大也釋文文選顏延年皇太子釋奠會詩注

日嚴祇敬六德亮采有邦

嚴魚檢反釋文亮信采事也正義史記夏本紀集解

俊父在官

才德過千人為俊百人為父正義引馬王鄭釋文引千人以下入字

庶績其凝

凝定也釋文

一日二日萬幾

一日二日猶日日也正義引馬王

天叙五典釋文有典馬本作五典

尚書馬氏傳

卷一

十一 鄭康成補校



自我五禮五庸哉

釋文有庸馬本作五庸

天明威自我民明威

釋文畏馬本作威

思曰贊贊襄哉

襄因也

釋文

暨益奏庶鮮食

鮮生也

同上

暨稷播奏庶根食鮮食

釋文艱馬本作根

根食根生之食謂百穀

釋文

予欲左右有民汝翼

我欲左右助民汝當翼成我也

史記夏本紀集解

予欲觀古人之象日月星辰山龍華蟲作繪宗彝藻

火粉米黼黻絺繡以五采彰施于五色作服汝明

釋文

會馬鄭作繪

彝音夷絺初私反又勅其反

釋文

此經上句日月星

辰山龍華蟲尊者在上下句藻火粉米黼黻尊者

在下黼黻尊於粉米粉米尊於藻火故從上以尊

卑差之士服藻火大夫加以粉米并藻火為四章

天子服日月而下十二章諸侯自龍衮而下至黼



尚書馬氏傳卷一 十卷三十七

徹八章 正義云孔以此經至為四章云馬融不見孔傳其注亦以為然天子二句據正義補

彌成五服至于五千 面五千里為方萬里 釋文

夏擊鳴球

夏揲也 釋文正義

祖考來格

言祖考此是舜除瞽瞍之喪祭宗廟之樂 正義

鳥獸踳踳

鳥獸筍簞也 釋文劉敞七經小傳王應麟困學紀聞

元首叢脞哉

叢總也脞小也 釋文

尚書馬氏傳卷一 鄭康館補校



尚書馬氏傳卷二

虞夏書

禹貢

禹敷土

敷分也釋文紀史記

奠高山大川

定其差秩禮所視也史記夏本紀集解

冀州既載

載載于書也釋文



壺口治梁及岐

壺口山名

至于衡漳

衡水名

厥土惟白壤

壤天性和美也

厥賦惟上下錯

地有上下相錯通率第一

厥田惟中中

土地有高下

島夷皮服

島夷東北夷國

並同上

夾石碣石入于海

冀州不書其界詩帝都之使若廣大正義引馬鄭

厥土黑墳厥草惟繇厥木惟條

墳有膏肥也繇抽也釋文尚書纂傳卷四

作十有三年乃同釋文載馬鄭本作年

禹治水三年八州平故堯以為功而禪舜繇既九



年又加三年為十二年惟沈州未得盡平至明年

乃平正義年已下平作畢又舜典正義引先儒馬融等餘既九

記卷十三法玉海卷十七尚書全解卷七路史後

大野既豬

水所停止深者曰豬釋文

嵎夷既略

嵎夷地名用功少曰略史記夏本紀集解

草木漸包

包相匱裏也釋文

淮夷蠙珠暨魚

淮夷二水名

厥草惟夭

夭長也並同上

厥土惟塗泥

塗泥漸沕也史記夏本紀集解太平御覽卷三十七

璫璫篠簜

均干治海釋文璫馬本作均

均均平釋文



沱潛既道

沱湖也其中泉出而不流者謂之潛

柁榦栝柏

栝白栝也並同上

惟箇箛栝

栝木名可以為箭釋文卷一 傳寅禹貢集解 尚書纂傳卷四

三邦底貢厥名

言箇箛栝三國所致貢其名美也史記夏本紀集解

包匭菁茅

菁音精釋文引徐音云馬同

厥篚立纁璣組

璣其依反又音機組文也釋文

九江納錫大龜

納入也同上

榮播尤豬釋文波馬作播正義馬鄭王皆作榮播

榮播澤名釋文正義

厥土惟壤下土墳壚

豫州地有三等下者墳壚也豫州地青史記夏本紀集解

尚書馬氏傳卷二 四 姬媛館補校



太平御覽卷三十七

和夷底績

和夷地名也史記夏本紀集解

厥土青黎

黎小疏也釋文

厥貢璆鐵銀鏤

璆居蚪反又閩幼反釋文引徐云馬同

西傾因桓是來

治西傾山惟因桓水是來言無餘道也史記夏本紀集解

水經注卷二十六 尚書全解卷九 禹貢集解卷一

涇屬渭汭

屬入也釋文

織皮毳崙析支渠搜西戎即叙

昆侖在臨羌西析支在河關西釋文 禹貢集解卷一

導開及岐

釋文 岐本作開

三條導沂為北條西傾為中條岷冢為南條正義引馬融王肅無為字 史記夏本紀索隱 東坡書傳

卷五 尚書全解卷十 程大昌禹貢論卷上 又禹貢山川地理圖 禹貢集解卷二 禹貢指南 南卷一 胡士行尚書詳解卷三 董鼎書集傳

尚書馬氏傳 卷二 五 鄭媛館補校



輯錄纂注卷二  
吾等書傳會選卷二  
陳師凱書傳旁通卷二  
劉三  
玉海卷二十  
洪适隸釋卷三  
通鑑前編卷一  
紺珠卷二  
章  
樵古文苑注卷十八  
小學

至于合黎

合黎地名

釋文  
書傳  
纂疏卷二  
史託夏本紀集解  
陳櫟

餘波入于流沙

流沙地名

史記  
夏本  
紀集解

導河積石至于龍門

北條行河中條行渭洛濟淮南條行江東

黃度書  
說卷一

又東為滄浪之水

滄浪夏水即漢河之別流也

史記夏本紀索  
隱引馬融鄭元

過三澨

三澨水名也

水經注卷四十  
引馬融王肅

又東至于醴

今注疏本作醴  
依史記引作醴

醴水名

史記夏本紀集  
解引馬融王肅

東池北

池靡也

釋文

三百里納結服

結去其穎

同上



百里采

采事也各受王事者史記夏本紀集解

三百里夷二百里蔡

夷易也蔡法也受王者刑法而已釋文薛季宣晉古文訓卷三

史記夏本紀集解引下句

五百里荒服三百里蠻二百里流

荒政教荒忽因其故俗而治之蠻慢也禮簡怠慢

來不距去不禁流流行無城郭常居史記夏本紀集解甸

服之外每百里為差所納總銓秸粟米者是甸服

之外特為此數其侯服之外每言三百二百里者

還就其服之內別為名耳非是服外更有其地也

詩商頌殷武正義引賈逵馬融甸服之外百里至五百里特有此

數去王城千里其侯綏要荒服各五百里是面三

千里相距為方六千里正義引賈逵馬融同書全解卷十一書古文訓

卷三禹貢集解卷二

甘誓

有扈氏

有扈氏與夏同姓正義引孔馬鄭王與皇甫謐等



怠棄三正

二正建子建丑建寅三正也

釋文 書集傳輯錄 纂注卷二 書傳纂

疏卷二 六經 天文編卷上

天用巢絕其命

釋文 勅馬 本作巢

商書

湯誓

非台小子

台我也

史記 殷本紀集解 冊 高元龜卷五

夏王率遏眾力

遏止也

釋文

有眾率怠弗協

眾民相率怠墮不和同

史記 殷本紀集解 冊 府元龜卷五

盤庚

盤庚遷于殷

盤庚祖乙曾孫祖丁之子不言盤庚誥何非但錄

其誥也取其徙而立功故以盤庚名篇

釋文 尚書全解卷

八十

不常厥邑于今五邦



五邦謂商丘毫囂相耿也釋文 王應麟通鑑地理通釋卷四 小學紺珠卷

二

若顛木之有由枿釋文 檠本又作枿 檠引馬正作枿

顛木而肄生曰枿釋文 書集傳輯錄纂注 卷三 書傳纂疏卷三

曰無或敢伏小人之攸箴

箴諫也釋文

今汝聒聒

聒聒拒善自用之意釋文 正義 引王肅同

不昏作勞釋文 昏馬同 木或作啓

相時儉民

相視也儉利小小見事之人也釋文

自作弗靖

靖安也釋文 尚書纂 傳卷十四上

遲任有言曰

遲任古老成人釋文 正義 引王肅同

乃話民之弗率誕告用單其有衆釋文 又直馬 本作單

話告也言也單誠也釋文 尚書纂 傳卷十四中

咸造



造在阜反為也釋文

爾沈不屬

屬獨也同上

高宗彤日

典祀無豐于昵

昵考也謂禰廟也釋文卷三

書集傳輯錄纂注本傳纂疏卷三

西伯戡黎

格人元龜罔敢知吉

元龜大龜也長尺二寸史記殷本紀集解

乃罪多參在上

參字累在上釋文

微子

我祖底遂陳于上

我祖成湯也史記宋微子世家集解

我用沈酗于酒用亂敗厥德于下

下下世也

卿士師師非度

非但小人學為姦宄卿士已下轉相師效為非法



度之事

殷遂喪越至于今

越于已于是至矣于今到矣

曰父師少師

重呼告之

吾家耄遜于荒

卿大夫稱家

今爾無指告予顛躋若之何其

躋猶墜也恐顛墜于非義當如之何也並同上

今殷民乃攘竊神祇之犧牲牲

因來而竊曰攘往盜曰竊天曰神地曰祇釋文史記宋

微子世家集解

用乂稠斂釋文讐馬本作稠

稠數也斂力豔反賦斂也釋文

我舊云刻子

云言也刻侵刻也

自清人自獻于先王我不顧行逐釋文靖馬本作清

清潔也並同上



尚書馬氏傳卷三

周書

泰誓

按馬氏所注者今文泰誓

惟四月太子發上祭于畢

畢文王墓地名

史記周本紀集解

孟子離婁下孫奭疏水經注卷五

乃告司馬司徒司空諸節

諸受符節有司也

史記周本紀集解

師尚父左杖黃鉞右把白旄以號曰蒼兕蒼兕

蒼兕主舟楫官名

史記齊大公世家索隱



太子發升舟中流白魚入于王舟

魚書介鱗之物兵象也白者殷家之正色言殷之

兵象與周之象也

史記周本紀集解

至于五日有火自上復于下至于王屋流之為鴈其

色赤其聲魄

王屋王所居屋流行也魄然安定意也

同上明武王

能伐紂

史記周本紀索隱

今殷王紂乃用其婦人之言自絕于天毀壞其三正

動逆天地人也

史記周本紀集解

牧誓

時甲子昧爽

昧未旦也

釋文

右秉白旄以麾

白旄旄牛尾

同上

嗟我友邦冢君

冢大也

史記周本紀集解

及庸蜀羌髳微盧彭濮人

武王所率將來伐紂也

同上



弗迓克奔以役西土

禦禁也役爲也爲于僞反釋文劉三吾等書傳會選卷四

洪範

惟天陰騭下民

陰覆也騭升也升猶舉也舉猶生也釋文

初一日五行

從五行已下至六極洛書文也釋文書集傳或問卷下正義引

無從及至六極四字

次三日農用八政

食爲入政之首故以農名之釋文

次九日嚮用五福威用六極

言天所以嚮勸人用五福所以畏懼人用六極史記

宋微子世家集解案更記集解引無上句王氏鳴盛云馬注此條僞孔傳與之同應劭漢書五行志注亦同而裴駟史記集解采馬注脫去嚮勸人用五福六字今以意增從之

金曰從革

金之性從火而更可銷鑠史記宋微子世家集解續漢書五行傳劉昭

注

言曰從



發言當使可從史記宋微子世家集解

思曰睿

睿通也

同上釋文

從作又

出令而從所以為治也

史記微子世家集解

聰作謀

上聰則下進其謀

同上續漢書五行志注

四曰司空五曰司徒六曰司寇

司空掌營城郭王空土以居民司寇主誅寇害

宋微子世家集解

四曰星辰

星二十八宿辰日月之所會也

斂時五福用敷錫厥庶民

當斂是五福之道用布與眾民

惟時厥庶民于汝極

以其能斂五福故眾民于汝取中正以歸心也

凡厥庶民有猷有為有守汝則念之

凡其眾民有謀有為有所執守當思念其行有所



趣舍也並同上

亡侮熒獨而畏高明釋文無虐馬本作亡侮

高明顯寵者不枉法畏之史記宋微子世家集解

無有作好

好私好也

無反無側

反反道也側傾側也

曰皇極之敷言是彝是訓于帝其順

王者當盡極行之使臣下布陳其言是大中而常

行之用是教訓于天下于天為順也

凡厥庶民極之敷言

亦盡極敷陳其言于上也並同上

二曰剛克三曰柔克

克勝也釋文

沈潛剛克高明柔克

沈陰也潛伏也陰伏之謀謂賊臣亂子非一朝一

夕之漸君親無將將而誅高明君子亦以德懷也

史記宋微子世家集解



惟辟作福惟辟作威惟辟玉食

辟君也玉食美食不言王者關諸侯也上同

民用僭忒

忒惡也釋文

占用二衍忒

占用二占筮也衍以淺反

子孫其逢吉

逢大也並同上

曰王省惟歲

言王者所省職如歲兼四時也史記宋微子世家集解

星有好風星有好雨

箕星好風畢星好雨同上

一曰凶短折

凶終也釋文

金滕

為三壇同墀

壇土堂釋文

是有丕子之責于天

尚書... 卷三



不普悲反同上

乃命于帝庭敷佑四方

武王受命于天帝之庭布其道以佑助四方史記魯周

公世家集解

今我即命于元龜

元龜大龜也

爾之許我我其以璧與珪歸俟爾命

待汝命武王當愈我當死也並同上

啓籥見書

籥藏卜兆書管釋文書傳會選卷四

茲攸俟能念予一人

一人天子也史記魯周公世家集解

我之弗辟

辟音避釋文引馬鄭

對曰信懿公命我勿敢言釋文噫馬本作懿

懿猶億也釋文

惟朕小子其親迎釋文新迎馬本作親迎

天乃雨反風



反風風還反也史記魯周公世家集解

凡大木所偃盡起而築之

築拾也釋文禾爲木所偃者起其木拾其下禾乃無

所亡失也史記魯周公世家集解爾雅釋言邢昺疏引起其禾二句無下字

大誥

王若曰大誥繇爾多邦釋文猷大誥爾多邦馬

天降害于我家弗少延釋文割馬本作害不

殷小腆

腆至也釋文

知我國有疵

疵瑕也

予造天役

造遺也並同上

康誥

康圻內國名孔傳正義云馬王亦然

惟三月哉生魄

魄朏也謂月三日始生朏朏名曰魄釋文戴侗六書故卷一

今民將祗適乃文考



適述也釋文 真德秀讀書記乙集卷二 案注疏所采經典釋文 誤作紹述也今從原本

訂正

酒誥

成王若曰釋文 王若曰馬本作成王若曰正義 馬鄭王以文涉三家而有成字

言成王者未聞也俗儒以為成王骨節始成故曰

成王或曰以成王少成二聖之功生號曰成王沒

因為諡衛賈以為戒成康叔以慎酒成就人之道

也故曰成此三者吾無取焉吾以為後錄書者加

之未敢專從故曰未聞也釋文

明大命于妹邦

妹邦即牧養之地同上

自洗腆致用酒

洗盡也釋文 案注疏所采釋文脫此句據原本錄

祇保曰怨不易

易以鼓反釋文

矧惟若壽圻父詩釋文 若壽此古疇字本亦作壽孔注尚書直留反馬鄭音受王氏鳴盛

日本亦作壽者馬鄭本也

壽音受詩釋文



薄違農父

違行也

釋文

籽材

釋文梓本亦作籽據所引馬注則馬本正作籽

籽古作梓字治木器曰梓治土器曰陶冶金器曰

治

釋文

戕敗人宥

戕殘也

釋文案周禮大司馬疏引鄭注同

既勤垣墉惟其土墜茨

卑曰垣高曰墉墜堊色

釋文七下

尚書纂傳卷二十一書集傳輯錄纂注

卷四 書傳 纂疏卷四

既勤樸斲惟其塗丹雘

樸未成器也雘善丹也

釋文書傳會選卷四

皇天既附中國民

釋文付馬本作附

名誥

王朝步自周則至于豐

周鎬京也豐文王廟所在朝者舉事尚朝將即土

中易都大事故告文王武王廟

史記魯周公世家集解

其作大邑

尚書馬氏傳 卷三

鄭煥館補校



王國東都王城今河南縣是也正義引周禮大司徒下引馬融是周  
官傳也然是一家語據正義補  
洛誥

我二人共貞

貞當也釋文

厥攸灼叙弗其絕

讀叙字屬下

頌朕不暇

頌猶也並同上

汝乃獲不獲

一獲勉也釋文引馬士

旁作穆穆迓衡

迓魚據反釋文引馬鄭王

乃單文祖

單丁但反信也釋文

王在新邑烝祭歲

王在新邑絕句釋文引孔馬

王入太室禘



太室廟中之夾室釋文

惟周公誕保文武受命惟七年

受命絕旬惟七年周公攝政七年天下太平同上

多士

旻天大降喪于殷

秋曰旻天秋氣殺也方言降喪故稱旻天也釋文

非我小國敢翼殷命釋文弋

翼取也釋文案正義引王注同

嚮于時夏弗克庸帝

時絕句釋文

大淫屑有辭釋文佚馬本作屑

屑過也同上

誕淫厥泆罔顧于天顯民祗

紂大淫樂其逸無所能顧念于天施顯道于民而

敬之也史記魯周公世家集解

予惟四方罔攸賓

賓御也釋文

無逸



儼恭寅畏

釋文嚴馬本作儼

治民祇懼不敢荒寧

知民之勞苦不敢荒廢自安也

史記魯周公世家集解 册府元龜

卷五十八

其在高宗時舊勞于外爰暨小人

武丁為太子時其父小乙使行役有所勞苦于外

與小人從事知小人艱難勞苦也

史記魯周公世家集解

作其即位乃或亮陰三年不言

亮信也陰默也為聽于冢宰信默而不言

春秋隱元先正

義晉書禮志杜佑通典卷八十一段暢議

不敢荒寧嘉靖殷邦

寧安也

史記魯周公世家集解

其在祖甲

祖甲武丁子帝甲也

不義惟王久為小人

史記作久為小人集解引馬注亦作久

祖甲有兄祖庚而祖甲賢武丁欲立之祖甲以王

廢長立少不義逃亡民間故曰不義惟王久為小

人也武丁死祖庚立祖庚死祖甲立

並同上

三 鄭煥館補校



文王俾服

釋文 卑馬 本作俾

俾使也

釋文

民無或胥軻張作約

釋文 譎馬本作軻 案注疏所采釋文脫此句

君奭

其崇出于不祥

崇充也

釋文 案注疏所采 誤作崇受也

我迪惟寧王德延

釋文 我道馬 本作我迪

在大戊時則有若伊陟臣扈格于上帝

格至也道至于上帝謂奉天時也

史記燕召公世家集解

有若南君

釋文 南宮氏括名 也馬本作南君

迪見勗

釋文 冒馬 本作勗

勗勉也

釋文

我則鳴鳥不聞

鳴鳥謂鳳皇也

同上

多方

終日勸于帝之攸

釋文 迪馬 本作攸

攸所也

釋文

圖厥政不蠲烝



蠲明也烝升也

同上

爾罔不克剝

釋文泉馬作剝

立政

其在受德譬

受德受所為德也

釋文

相我受民

相息亮反下勸相同

用儉人

儉利佞人也

並同上

其克詰爾戎兵

詰實也

釋文案注疏所采釋文誤作實也從原本改

顧命

惟四月哉生魄王不釋

釋文憚馬本作不釋

不釋疾不解也

釋文

甲子王乃洮頰水

洮洮髮也頰頰面也

昔君文王武王宣重光

重光日月也太極上元十一月朔旦冬至日月如



疊壁五星如連珠故曰重光並同

在後之詞釋文制馬本作詞

詞共也釋文

爾無以劍勗贛于非幾釋文冒馬鄭作屮貢馬鄭王作鞏

贛陷也釋文案注疏采釋文並脫據原本錄

越翼日乙丑成王崩釋文王崩馬本作成王崩

安民立政曰成釋文

敷重篋席

篋釋文薛季宣古文訓卷十三

敷重底席

底青蒲也同上

敷重筍席

筍筍筍釋文古文訓卷十三引作筍筍戴侗六書故卷二十三引作筍筍

越玉五重陳寶

越玉越地所獻玉也釋文

大玉夷玉天球河圖

夷玉東夷之美玉球玉磬釋文尚書全解卷三尚書纂傳卷三

十八玉海卷八十七

尚書馬氏傳卷三

鄭媛館補校



大輅在賓階面綴輅在阼階面先輅在左塾之前次輅在右塾之前

不陳戎輅者兵事非常故不陳之正義引馬融王肅尚書全解

卷三十七 尚書 纂傳卷三十八

一人騏奔執戈釋文 慕馬 本作騏

騏青黑色釋文

上宗奉同瑁

同者大同天吳志虞翻傳 裴松之注

王三宿三祭三詫釋文 詫 馬作詫

詫丁故反奠爵釋文 引說文云云馬 與說文音義同

宅授宗人同

宅如字釋文

誕受羨若

羨道也釋文 案正義引王注同

康王之誥

王若曰庶邦侯甸男衛惟予一人釗報誥釋文 馬本從此以下

為康王之誥 正義 馬鄭王本此篇自高祖寡命已上內于顧命之篇 王若曰已下始為康王之誥

底至齊



底至齊讀絕句

釋文

呂刑

度作刑以詰四方

度如字法度也

釋文

蚩尤惟始作亂

蚩尤少昊之末九黎君名

鳴義姦宄

鳴輕也

皇帝清問下民

清問清訊

並同上

折民惟刑

折音惹

釋文引馬鄭王

智也

釋文引馬

天齊于民矜我一日

釋文俾馬作矜

齊中也矜哀也

釋文

王曰于來有邦有土告爾祥刑

釋文吁馬作于

于於也

釋文

何度非及

度造謙也

同上



五過之疵惟官惟反惟內惟貨惟求

釋文來馬本作求

求有所求請昧也

釋文

其罪惟均其克審之

以此五過出入人罪與犯法者等

史記周本紀集解

墨辟疑赦其罰百鍰

鍰六銖也銖十一銖二十五分銖之十三也

釋文引說

文云云馬同

賈逵說俗儒以銖重六兩周官劔重九銖俗儒近

是釋文史記平準書索隱引馬融云銖六兩

刑辟疑赦其罰倍差

倍二百為四百鍰也差者又如四百之三分一凡

五百三十三三分一也

史記周本紀集解

今天相民

相息亮反助也

釋文

文侯之命

王若曰父義和

王順曰父能以義和我諸侯

史記晉世家集解釋文引下句尚書

全解卷四十



昭升于上敷聞在下

昭明也上謂天下謂人史記晉世家集解

費誓

汝則有大刑

大刑死刑史記魯周公世家集解

峙乃楨榦甲戌我惟築無敢不供

楨榦皆築具楨在前榦在兩旁同上

秦誓

訖訖勇夫釋文作訖訖馬

訖訖無所省錄之貌釋文案注疏采釋文脫此條據原

錄本

惟截截善偏言釋文論馬本作偏

截截辭截削省要也偏少也辭約指明大辨佞之

人釋文毛居正六經刊誤卷二

如有一介臣斷斷猗無他技

一介耿介一心端慤者釋文



尚書馬氏傳卷四

書序

譯又馬鄭之徒百篇之序總為一篇

書序孔子所作

正義

虞夏書

昔在帝堯聰明文思光宅天下將遜于位讓于虞舜

作堯典

堯謚也翼善傳聖曰堯

文釋

帝釐下土方設居方別生分類作汨作

釐賜也理也



九共九篇彙飲

共已勇反法也並同上

臯陶矢厥謨禹成厥功帝舜申之作大禹臯陶謨棄

稷益稷正義馬鄭王所據書序此篇各棄稷

啓與有扈戰于甘之野作甘誓

有扈之國爲無道者甘有扈南郊地名軍旅曰誓

會同曰誥釋文正義尚書全解卷十二水經注卷十九

太康失邦昆弟五人須于洛汭作五子之歌

須止也釋文

商書

湯既勝夏欲遷其社不可作夏社疑至臣扈

疑至臣扈二臣名聖人不可自專復用二臣自明

也正義

伊尹相湯伐桀升自陬遂與桀戰于鳴條之野作湯

誓

俗儒以湯爲諡或爲號號者似非其意言諡近之

然不在諡法故無聞焉俗儒以爲各帝系禹各文

命王侯世本湯名天乙推此言之禹豈復非諡乎



亦不在諡法故疑焉堯典正義釋文

咎單作明居

咎單為湯司空也明居明居民之法也正義史記殷本紀

集解

伊陟相大戊亳有祥桑穀共生于朝伊陟贊于巫咸作咸父四篇

大戊太甲子釋文巫男巫也名咸殷之巫也釋文資治通鑑卷八十九胡三省

注困學紀聞卷九艾治也釋文史記殷本紀集解

大戊贊于伊陟作伊陟原命

原臣名也命原以禹湯之道我所修也史記殷本紀集解

祖乙圮于耿作祖乙

圮毀也釋文

高宗夢得說使百工營求諸野得諸傅巖作說命三篇

高宗始命為傅氏正義

殷始咎周周人乘黎祖伊恐奔告于受作西伯戡黎

咎周者為周所咎受讀曰紂或曰受婦人之言故

號曰受也釋文



殷既錯天命微子作誥父師少師

錯廢也同上

周書

武王勝殷殺受立武庚以箕子歸作洪範

箕國名也子爵也箕子紂之諸父趙汝楳周易輯聞卷四 史記

宋微子世家集解

西旅獻豪太保作旅豪釋文 葵馬作豪

豪酋豪也釋文

武王有疾不豫周公作金縢釋文有疾馬本作有疾不豫

成王既伐管叔蔡叔以殷餘民封康叔作康誥酒誥  
杼材

康國名在畿內正義

召公為保周公為師相成王為左右召公不說周公  
作召奭

保氏師氏皆大夫官左右分陝為二伯東為左西

為右釋文召公以周公既攝政致太平功配文武不

宜復列在臣位故不說以為周公苟貪寵也史記燕召

公世家集解



成王東伐淮夷遂踐奄作成王征釋文政馬作征

踐似淺反征正也釋文

成王既踐奄將遷其君于薄姑周公告召公作將薄

姑釋文蒲馬本作薄

薄姑齊地史記周本紀集解

成王既伐東夷息慎來貢王辨榮伯作賄息慎之命

釋文肅慎馬本作息慎俾馬本作辨

息慎北夷也釋文榮伯周同姓畿內諸侯為卿大夫

也史記周本紀集解

成王將崩命名公畢公率諸侯相康王作顧命

成王將崩顧念康王命名公畢公率諸侯輔相之

釋文案注疏采釋文念誤作命據原本正

成王崩康王既尸天子遂誥諸侯作康王之誥釋文馬本

康王上更有成王崩三字

王賜晉文侯秬鬯圭瓚作文侯之命釋文平王馬無平字錫馬本作

賜

魯侯伯禽宅曲阜徐夷並興東郊不闢作費誓釋文開馬

本作闢







